

Τίτλέ κε Ρῶλι uu Efεεσι pikó n wói

Lελεε ritelé ntí kέμεε ní we

Uléécaa icápine yeε peε Efεεσι-pῶ, mekeε Asii keteni-i ní we κε Ρῶλι uu ritelé ntí wói un Rῶm kuyu-i kukpaniilee-i we. Kirisi pikó peε ápi Pisuífi ne pepeε Pisuífi kuu ri papólē. Meyá κε ritelé ntí ari pikei má, anῶ sῶne metikise kapí ne ri n kóri nnya (1:3-14). Kεkoraane κε-i κε Ρῶλι uu píyulale ncee Yeesu metiki kέμεε pisoi nyíse (1:9). Uléécaa ye ncée mmē isῶlú wale uké kelenε ketē ne keyóme mῶ (1:4). Amá Uléécaa yeε ne Yeesu Kirisi ritiki uú ne ncée mmē tó nyíse. Ρῶλι yeε lē tó riyóó.

Ifaaci iyē mekériine ye mmé:

1. Ρῶλι ye lē κε rinῶo rise ari yé n fe ari ní we Yeesu Kirisi nkῶ kunapéékῶo kecáá nnya nyerele uu símisi. Kirisi pikó peε ápi Pisuífi ne Pisuífi mpuri pikó ye pansεle mpuri nse pikó. Lisῶne lise kapí Uléécaa kέμεε yósu. Kirisi ye iláarῶ kumεle riláule uu pepeε peε ketaa n wene kῶsεne. Lē kέμεε kuú ne nkίηniηe mῶpá úye ka (1-3).
2. Utumε Ρῶλι ye Kirisi pikó pise re piké nfatene ne rinῶo rise ne nkίηniηe κε Uléécaa uu ye n he m múlē. U pi ηmῶópúselenle re piké isoi fale n le. Uu kῶ kumáre kέμεε pisoi ne pico metone kecáá pi céesi (4-6). U kῶ kétῶ-pῶ pi riηmῶópúsεle re piké ye leleε ái Uléécaa kέμεε n léeri ne tῶ. Lē nnya, mῶpá Kirisi ukó úye yeε

atɔpi kɛmɛɛ n̄ we ke Uléɛcaa uu ye itɔpilū yeɛ
Nfáasɔne kɛmɛɛ n léeri pa (6:10-20).

Iyáhaa

¹ Née Pɔɔli yeɛ Uléɛcaa mɛla kɛmɛɛ Kirisi Yeesu utumɛ m pansɛ. Nó ke Uléɛcaa uu n wée nɔn Efɛsi-pɔ we nɔn Kirisi Yeesu ne kefa keɛɛ tikilɛ kam títelɛ ntí wólú. ² Urósáa Uléɛcaa ne Upíima Yeesu Kirisi piké ípɛɛléɛ ne nkínɔnɔnɛ nó nyíɛ.

Lisɔne ke Uléɛcaa uu Kirisi nnya ró n he

³ Urópíima Yeesu Kirisi Usaa Uléɛcaa yeɛ ipakare te. U Nfáasɔne likó nɔɔpuri nnéi keyómɛcaa-pɔ ró heɛ un ne tó ne Yeesu Kirisi kupéneɔ kɛmɛɛ ró kpálɛ. ⁴ Uléɛcaa uké kelene mpa yɔ n wa, u ró wéɛɛ uu tó ne Kirisi kupéneɔ kɛmɛɛ ró pansese upikó. Kupéneɔ kpɛ kɛmɛɛ kuú la re tɔké n kpáiiɛ ári kape kɔ uinipɛɛ-i akópe áka m má. Kuu ró n̄ la nnya kuu ⁵ uripɔɔ ne Yeesu Kirisi nnya mekeɛ-me ró kpísi uu ró pansese usipipi. Lɛ kuu unfanare kɛmɛɛ ró n̄ la ye lɛ. ⁶ Lɛ nnya, tɔké Uléɛcaa pakare re u tó ne ukepipi lala Kirisi kupéneɔ kɛmɛɛ lisɔne píima ró wa.

⁷ U tó ne Kirisi kupéneɔ nnya ne unfanare mpiye nnya akópe ilasi kɛmɛɛ ne Kirisi menye ró léseɛ uu arókópe ró sárei. ⁸ Uléɛcaa ye meyíkíyiki unfanare ró nyíseɛ. Mewéɛsesɔhɔ ne mesɔhɔ nnéi kuu ró he. ⁹ U tíyeseɛ ari leɛɛ umɛla kɛmɛɛ m pékaalɛ ceru. Háí mekeɛ-me kuu unfanare kɛmɛɛ la re Kirisi uké lɛ wa. ¹⁰ Leɛɛ re itunɛ in n tu, Uléɛcaa yé uyóɔpi use lese. Uyɛɛ Kirisi. Uu keyómɛcaa-pɔ ne ketɛ nté likó nnéi kecáá iyóɔpi le.

¹¹ Uléecaa ye tó ne Kirisi kupéneɔ kémee lirókó nnéi ró pale. Lɛ nnya kuú pɛe mekeɛ-me ukemúnjé-i ró wée uu ilúké yekei. Uricuruu yee la nnya kuu lɛ wa. ¹² Lɛ nnya, tó mpí tóo pɛe nní pifoí Kirisi ne rintá, tóké nkpréni Uléecaa meyoopi ne siyóme ritaáse.

¹³ Nsímései mee nní Nsímé Kεcire mee ye usoi riyu n lo. Kani Kirisi ne kefa n tenɛ Uléecaa uu pɛe nwóí nó wai, Nfáasone kuu ní maa re u yé nó pa kuu lɛ nó pa uké ne nyíse re uyee nó te. ¹⁴ Nfáasone ke Uléecaa uu ne rinyi re tó lisone kuú ne upikó m mémpo yɛ. Tɔn píyeyi akópe ilasi kémee n le cáká-cáká kari yé lisone lɛ nnéi yɛ. Lɛ nnya, tóké Uléecaa meyoopi ne siyóme ritaáse.

Pɔoli iwelɛ

¹⁵ Lɛ nnya, hái kamí ne n kó te nɔ Upiima Yeesu ne kefa tenelenle nɔn kɔ pɛ nnéi ke Uléecaa uu n wée la, ¹⁶ ne ye nen keyóme n yáásine, ne ye mesére nó nnya Uléecaa pɔoneselɛ. Ne ye keyómeyáhaa-i nónnénéi kecáá Uléecaa welɛ am te: ¹⁷ Urópíima Yeesu Kirisi Uleecaa, Sáa meyoopi ukó uké mewéesesɔhɔ nó he nóké ne u yɛ ani pɛé ne rísonɛ u ceru. ¹⁸ Ne ye kɔ u pise re uké nóinénpɛe wúkule. Nó pɛe fe ani lɛ kuú ne nó n sée ceru. Nó pɛe lisone kuu ye pɛ kuu n wée n he mpiye ne linsone yɛ, ¹⁹ ani kɔ ceru re rínanɛ kuú ne tó mpí tóo nní ne kefa u n tenelɛ kémee n keisi rín kumúnjé má. ²⁰ Nnanɛ píima mmɛ kuú ne Kirisi kémee keisi uu ne pikpɔkpɔ kémee u yukuse, uu kɔ ne keyómeɛaa-pɔ ukuluke-luke-mɛ kényukóstone-i u tonse. ²¹ Kirisi ye lɛ nnya keyómeɛaa-pɔ iyóopi ne n-yóopinanɛ ne rínanɛ ne iwéése píima ne nprá yo yee rinyíri m má ne kekpréɛ welɛ. U nprá yo

kekpeɛ wele. Ai leleɛ neni kumúnjé nkú-i ní we nmanɛ kekpeɛ kuú we, amá ne leleɛ masí kepirɛ-pɔ n wɛmɛ kekpeɛ kuú we. ²² Uléécáa ye nǐpá yo Kirisi iyɔɔpi metene wale uu likecáá u tonse. U u pale re uké Uléécáa icápine nnéi uyɔɔpi píima. ²³ Uléécáa pikó icápine ye uipɪɲe le. Umɛsá nnéi kuú ne ikeméé we un kɔ infaa nnéi te, Uléécáa un kɔ ne umɛsá nnéi Kirisi kémɛɛ we.

2

Iye ke usoi uu ye nkɔ-i le uu nfáa-i lomɔ?

¹ Nǐ ne pee mekeɛ-me nónnécaai ne nóanékpɔɛ nnya pikɔɔkpɔ le Uléécáa inipɛɛ-i. ² Ketɛ nté isoi icɔ kaní pee le. Nɔ pee mekeɛ-me uyɛ kani n nyáni re ketɛ nké uyɔɔpi tikilenle. Uyɛɛ nní neni pepɛɛ Uléécáa pipakare n yúlu isoi kémɛɛ we. ³ Pimɛcɔ ke tɔɔ kɔ pee mekeɛ ntónéi mmú we, tɔn merɔpɔla wai, tɔn sirómúnjé ne merɔsɔhɔ cire ne irɔsoi le. Merɔwee mɛ nnya, tɔ ne kɔ péé ne sá re Uléécáa uké ukuwɔi kéméé ne ró túhaane picɔ mɛcɔ.

⁴ Amá Uléécáa yèè meyíkíyiki usoi íwe ténle. Unla píima nnéi kuu ró nyíse. ⁵ Lɛ nnya ke Uléécáa uu tɔɔ pee ntócaai nnya ní we yare pikɔɔkpɔ uinipɛɛ-i nfáa fale he. Aní yɛ te ípɛelée kuu nó nyíse nnya kuu nórínɛyu lɔ. ⁶ Kesé ke Uléécáa uu tó ne Kirisi Yeesu pikɔɔkpɔ kémɛɛ yukuse uu kɔ kesé ukemɛɛ keyómɛca-pɔ ró tónse. ⁷ Lelɛ masí kepirɛ-pɔ leeri, ari pee yénu re ípɛelée kuu Kirisi kémɛɛ ró ní nyíse ye lisɔne píima le leɛ ái píikai kutene ní we. ⁸ Uléécáa ye ípɛelée nó nyísele uu nónnéfatenɛ nnya nórínɛyu lɔlu. Nórícúruu áni kei líka kuwai we. Uléécáa ihɛɛ ye nyi. ⁹ Ai nómenéwai sɔne nnya kuu nó yóriye. Lɛ

nnya, úka úu kape umɛcirɛ n taáselɛ tɛ umɛwai sɔnɛ cirɛ mɛɛ u yoriyɛ. ¹⁰ Mɛsei, Uléécɔa ricuruu yɛɛ ró wa. Tó nɛ Kirisi Yeesu kupénɛɔ kɛmɛɛ kuu ró wa rɛ tɔké yɛ nkprɛni fɛ tɔké yɛ lisɔnɛ wa. Uléécɔa yɛɛ mɛkɛɛ-mɛ mɛwai sɔnɛ mɛ tó yekeilɛ tɛ tɔké yɛ mɛ wa.

Tɔ Yeesu Kirisi kupénɛɔ kɛmɛɛ písoi píse lɛ

¹¹ Ani lɛ kaní pɛɛ mɛkɛɛ ní wɛ léise! Nɔ pɛɛ písoi pinyinɛ lɛ kɛ Pisuífi apɛ yɛ pɛɛ n sée rɛ pikéciré. Amá in kɔ nɛ usoi kunipɛ kpɛɛ pɛ ticuruu sisoipipi mɛké riké. ¹² Lɛ nnya, ani kɔ tɛ nɔ pɛé uyɛ-i nɛ Kirisi ketaa wɛlɛ. Nɔ pɛé wɛlɛ yarɛ písánɛ Isirayɛli pikó kɛɔpɛ, áni Kirisi má, áni líka má rinɔɔ kɛ Uléécɔa uu pí n yekei kɛmɛɛ, líka ái wɛ kani yé nɛ rintá, áni kɔ keté kɛcáá ríka Uléécɔa má. ¹³ Nɔ pɛé nɛ ketaa u wɛlɛ. Amá Kirisi menyɛ mɛɛ n kɔɔnu nnya, nɔ nkprɛni Kirisi Yeesu kupénɛɔ kɛmɛɛ nɛ u rikɔlɛ. ¹⁴ Lɛlɛɛ rɛ Kirisi yɛɛ ntókínɛnɛ. Uyɛɛ tíyɛsɛ kɛ Pisuífi nɛ mpuri sanɛ pikó apɛ pansɛ mpuri nɛ. Unkpɔ kunapéékɔɔ kɛcáá kuú nɛ iláarɔ yɛɛ pɛɛ pikɛpáápáá m pínɛilɛ yarɛ mmɛlɛ riláú. ¹⁵ U Moisi isé nnanɛ nɛ lɛ nnéi lɛɛ i m páápúɛ tinnɛlɛ uu pɛɛ Pisuífi nɛ mpuri sanɛ pikó kpísi uu u nɛ pɛ kupénɛɔ kɛmɛɛ pí pansɛsɛ mpuri fale nɛ. Lɛ kuu nkínɛnɛ nɛ ní ka yɛ lɛ. ¹⁶ Unkpɔ kunapéékɔɔ kɛcáá kuú nɛ Pisuífi nɛ mpuri sanɛ pikó pansɛsɛ ipɛnɛ isɛ, uu pí nɛ Uléécɔa kɛɔpɛ nsímé nyɔɔnɛ. Íwɛ kuu kunapéékɔɔ kɛcáá n li uú nɛ kpi yɛ iláarɔ kpulɛ. ¹⁷ Nsímé Kɛcirɛ mɛɛ yɛ nkínɛnɛ n hɛ kuú nɛ ka uké nɔ mpí nɔɔ pɛɛ nní nɛ ketaa u ní wɛ nɛ nɔ mpí nɔɔ pɛɛ nní nɛ u n kólɛ símisi. ¹⁸ Uyɛɛ tíyɛsɛ kɛ tó Pisuífi nɛ mpuri sanɛ pikó ari ncée má ari yɛ nɛ Nfáasɔnɛ nɛ kóló tíki arí nɛ Sáa Uléécɔa kɛmɛɛ sí.

19 Lɛ nnya, ́ani kɔ nkprni pisanɛ, ́ani kɔ picɛɛtɔnɛ. Amá nɔ nɛ pɛ kɛ Ulɛ́ɛcaa uu n wɛɛ yɛ kuyu kuse pikó lɛ. Nɔ nkprni Ulɛ́ɛcaa keyɔ pikó lɛ. 20 Nɔ nkprni pansɛlɛ kɛyɔ kɛɛ m mɔ́maalɛ. Pitumɛ nɛ antepuyɛ pɛɛ kerikui. Kirisi Yeesu ricuruu yɛɛ kɛsinui riparɛ. 21 Uyɛɛ t́iyɛsɛlɛ kake páápú kɛn cálɛ. Uyɛɛ t́iyɛsɛlɛ kaké we. Kɛ Ulɛ́ɛcaa keyɔ lɛ kuu umɛcɪrɛ n yekei. 22 Nɔ nɛ picɔ nɔ́o ripɛnɛ ani pansɛ Kirisi kupɛ́nɛcɔ kɛmɛɛ kɛyɔ kɛ kɛ Ulɛ́ɛcaa uu m mɔ́m un nɛ Unfaasɔnɛ kekɛmɛɛ we.

3

Pikɛi kɛ Ulɛ́ɛcaa uu mpuri sanɛ pikó kɛmɛɛ Pɔɔli n forii

1 Kirisi Yeesu pikɛi kam n wai nnya kɛ nɛ́ Pɔɔli am akpanii kɛmɛɛ we. Nɔ mpuri sanɛ pikó mpí nnya kam íwɛ iyɛ nnéi lɛ. 2 In n la, nɔ kɔ́ tɛ Ulɛ́ɛcaa yɛ kɛfa nɛ né fɛ́nnɛ uu né forii rɛ kɛ ukɛmúnɛ́ kɛmɛɛ nɔ́ nnya pikɛi u wa. 3 Uyɛɛ uricuruu lipéké-peké lɛ né yéneisɛ. Linsímé kamí pɛɛ nní nkáripɛi nɔ́ wóipɔ. 4 Nɔn n kɛɛ́, nɔ́ céri rɛ nɛ Kirisi nkó mɛɛ m pékaalɛ́ kɛcáá mɛyánsei nyulɛ. 5 Ulɛ́ɛcaa úu pɛɛ mɛkɛɛ-mɛ lipéké-peké lɛ sisoipɛi nyísɛ yarɛ kuu nkprni nní Unfaasɔnɛ nɛ rintíki uú nɛ pitumɛ kuu n wɛɛ nɛ antepuyɛ li nyísɛ. 6 Lipéké-peké lɛɛ nní: Pisuiɛi nɛ mpuri sanɛ pikó yɛ pansɛlɛ ipɪnɛ isɛ. Lɛ́ nnya, lisɔnɛ lise kapi kɔ́ má. Pí yé kɔ́ lɛ́ kɛ Ulɛ́ɛcaa uu Nsímé Kɛcɪrɛ mɛɛ pi nɛ Kirisi Yeesu m pɛ́nɛsɛlɛ́ nnya n yekeilɛ́ yɛ́.

7 Nsímé Kɛcɪrɛ mmɛ́ pikɛi kam wai. Ulɛ́ɛcaa yɛɛ unfanarɛ kɛmɛɛ pikɛi né forii uu kɛnɛmɛɛ unnanɛ nyísɛ. 8 Ulɛ́ɛcaa pikó nnéi kɛcɔpɛ, néɛ yɛ ám líka

tu, mpá ne lɛ, u pɛɛ kɛfa ne né fɛnne uu né forii re kɛ mpuri sanɛ pikó Kirisi lisɔne lɛɛ ái kutene ní we símisi. Nsímé Kɛcire ye mu. ⁹ U kɔ né forii re kɛ tíyɛɛɛ písoi piké yé lɛ ke Uléécɛɛ uu lipéké-peké lɛ n wainɛ. Uyɛɛ mpá yo wa. Mɛkɛɛ-mɛ kuú pɛɛ li pékaalɛ. ¹⁰ Lɛ nnéi lɛɛ iyóɔpi n le lin keyómɛɛɛɛ-pɔ rínanɛ má yé nkɔpɛni Uléécɛɛ icápine nnya ceri re Uléécɛɛ mɛwéésɛsɔhɔ ámɛ mɛpɛhɛ kulúí kɛmɛ kumúnjé má. ¹¹ Uléécɛɛ kemúnjé kuu mɛkɛɛ-mɛ n yekei uu kɔ nkɔpɛni Urópíima Kirisi Yeesu kɛmɛ ke wai ke lɛ nnéi ái tíkilɛ. ¹² Kari nní ne Kirisi m pɛnelɛ tɔn kɔ ne kɛfa u tenelɛ nnya, tɔ ncée mále táké ne tirópɔɔ ne kɛfa kɛɛ Uléécɛɛ rikɔ. ¹³ Lɛ nnya kam nó símisi re nórínɛpɔɔ ári kape íwɛ kam nókɛnécáá n le nnya caai. Nɔ́ kai meníjɛ ríyu waise.

Kirisi nla nstímé

¹⁴ Lɛ nnya kam Sáa Uléécɛɛ keyu-i anui wulalɛ nen nókɛnécáá yáasi. ¹⁵ Ukeméé ke amáre nnéi nyɛɛ ketɛ kɛcáá ne keyómɛɛɛɛ-pɔ ní we aa léeri. ¹⁶ Ne ye u pise re Unfaasɔne nké nóinésɔi kɛmɛɛ meýá nó m papukuse yarɛ ke umɛyɔɔpi amɛ m piye mɛɔ. ¹⁷ Ne kɔ u pise re Kirisi uké nónnéfatenɛ nnya nóanékínj kɛmɛɛ n we. Ani níla kɛmɛɛ iníjɛ wa ani kɔ nkɛmɛɛ ríɔne papisi. ¹⁸ Pɛé uye-i ke nó ne Uléécɛɛ písoi nnéi ani yé fe ani céru re Uléécɛɛ nla rín kumúnjé má. N mɛpɛré ne mɛcáá ne mɛcímá wele, nn kɔ cálɛ. ¹⁹ Kei kani yé kɔ ceri re níla mmɛ ne menyuwɛ nnéi fele. Lɛlɛɛ yé kɔ tíyɛɛ Uléécɛɛ uu nókɛnémɛɛ ne umɛsá nnéi n we.

²⁰ Uyɛɛ kerómɛɛ ne rikɔhɔ keisi. U yé fe uu kerómɛɛ wai ái tósu lɛ kari ye m pise néɛ lɛ kari ye ní musí.

21 Uléécɔa yɛ Kirisi Yeesu kémɛɛ nɛ uicápinɛ kémɛɛ nɛ́pá ncɔpuri ní-yei-pɔ nɛ nɛ́pá píyɛi-pɔ ríyɛ te. Amí.

4

Nfatene kémɛɛ rinɔ rise piwai

1 Nɛ Upiima nnya akpanii-i wɛɛ. Nɔ́ kɛ Uléécɔa uu nní n sée kam pise rɛ ani n sɔ́nɛ, nɔ́nnɛ́sɛ nké n nyíselɛ́ tɛ lɛ́ kuu nní nɔ́ n sée nsɛ́ kani sɔ́nɛ. 2 Ani kapɛ áyɛ n wéésɛ. Amá ani mɛsɛ́rɛ n láárú nɔ́n purú. Ani ríla nɛ nɔ́mɛnɛ́cɔpɛcɛrɛ m múínɛ́lɛ́. 3 Ani rɛnɛ́mɔ́pú ani rinɔ́ rise kɛ Nfáasɔnɛ nn nɔ́ n hɛ m múílɛ́. Nfáasɔnɛ mɛɛ Uléécɔa-i n léeri yé tíyɛsɛ ani nɔ́nnɛ́nɛ́i m pɛ́nɛ́lɛ́, nkíɛnɛ́nɛ́nɛ́ nɛ nɔ́kɛnɛ́cɔpɛ wɛ. 4 Nɔ́ ipɛ́nɛ́ isɛ́ kɛcáá ilɛsɛ́ lɛ. Nfáasɔnɛ nɛsɛ́ mɛɛ kɔ́ nɔ́nnɛ́nɛ́i kémɛɛ wɛ. Likɛi lɛsɛ́ nnya kɛ Uléécɔa uu kɔ́ nɔ́ sée. 5 Upiima usɛ́ kóló nɛ nfatɛnɛ nɛsɛ́ kóló kani má, ani kɔ́ míni mɛsɛ́ kóló wolɛ́. 6 Uléécɔa usɛ́ kóló yɛɛ wɛ. Uyɛɛ́ pɛsɔi nnéi usaa. Uyɛɛ́ ntónéi kɛcáá tɔ́, un ntónéi kémɛɛ wɛ un kɔ́ ntónéi kémɛɛ pikɛi wai.

7 Amá Uléécɔa yɛ́ ntónéi mmú kémɛɛ nɛ́pá úyɛ uihɛɛ́ hɛɛ́ nɛ́ imɛpɛ́hɛ́ Kirisi yɛɛ́ nɛ́pá úyɛ́ likɔ́ musí.

8 Li Nléécɔasimé-i wólalɛ́ tɛ:

Kuu keléécɔa rɛ́ntáá,
u nɛ́ pikpaniikó ripɛ́nɛ́lɛ́,

uu lihɛɛ́hɛɛ́ sisoipipi hɔ́nɛntɛ. 9 Tɛ́ íyɛ́ yɛ́ nkɛ́pɛ́ni lɛ́ tɛ́ u keléécɔa rɛ́ntáá? Li nyíse rɛ́ uké́ kelɛnɛ́ rɛ́ntáá, u ketɛ́ mɛtɛnɛ́ kuhóɛ́ kémɛɛ́ rɛ́cɛ́pɛ́lɛ́.

10 Uyɛɛ́ rɛ́ncɛ́pɛ́mɛ́ cɛ́rɛ́ yɛɛ́ kɔ́ rɛ́ntáá uu keléécɔa fáau uú nɛ́ ketɛ́ nɛ́ kɛyómɛ́ nnéi n yɛ́páalɛ́.

11 Uyɛɛ́ wa rɛ́ pɛ́nyɛ́nɛ́ piké́ pitumɛ́, picɔ́ piké́ antepuyɛ́, picɔ́ piké́ Nsímé́ kɛ́cɛ́rɛ́ píyóó, picɔ́ piké́ Uléécɔa ícápinɛ́ pikpɛ́nɛ́wɛ́i nɛ́ picé́lɛ́a.

12 U pi wéele re uké lɛ kapi yé upikɛi n wa pi nyíse, piké pɛ ke Uléécaá uu n wée céési lɛ kapi yé Uléécaá icápine m papukuse. 13 Kei ke ntónéi ari yé pɛe céri re likei liɛe karí ne Uléécaá Kepipi kémɛe kefa tɛne. Tɔ pɛe lɛ papisile yare ke Kirisi uu m papaalɛ meɔ. 14 Lɛleɛ yé tíyese ári yé pɛé uye-i n we yare siwá sɛe mpá icélaa íye yee ní we n tíkílɛ, pisoi pɛe ye picɔ ne pinnɔɔme kuyúí n tā ápi yé pɛe ró kírassente. 15 Nla ke tóɔ ne nsímései símisi tɔn kɔ lakaane tɔn ne urówéése Kirisi kupénɛɔ nnéi kémɛe pelu. Uyee ríyu. 16 Uyɛ nnya ke ipiɛe ii kecíre nyenu, isitaɛene nnéi sin muleinelɛ. Lɛ nnya ke mpá nlése ní-ye nn níla kémɛe mpikɛi wai, ipiɛe nnéi yee níla kémɛe m pelule in papisi.

Kirisi pikó isoi fale nsi mé

17 Lɛ nnya kamí la ké nsímé mmú ne nó cési ne Upíima rinyiri ani kóm te áni kape kɔ nkpéni nsé tikpá yare pɛpɛe ápi Uléécaá m pakarelɛ. Mpɔlecee ke pisimúnjé asi pi tikiselɛ. 18 Pimesɔhɔ ye kuɛmahá-i lomɔle ápi pɛe Uléécaá isoi kémɛe we. Kapi pinnéi piníri ápi Uléécaá nkó níka nyu, piakiɛ an kɔ taká nnya. 19 Api nkpéni lisɔne ne likópe nyu. Méwoo méwoo kapi wai, háí apí ne maseiciré wai mmé nɔɔpuri m pénéle pin wai.

20 Amá ái lɛ kapi nó Kirisi cereise. 21 Ai céreise re nɔ ukécáá nkó nnéi kónle api kɔ nsímései mee Yeesu kémɛe ní we nó céési ani kóm. 22 Lɛ nnya, ani nónésoi kpure riyá. Nómenéwee kpure ye mɛ. Melikáipi-káipi ye ne nkɔ-mɛ nó sínle. 23 Ani tíye Uléécaá Nfaasɔne nké nókenémúnjé conse. 24 Ani

isoi fale kp̄isi ani tani yare ke Ulééc̄aa uu r̄i la. Nsímései ye t́yesele ii aseɪ n tikilē in k̄o kp̄āiilē.

²⁵ Lē nnya, ani nnóme riyá m̄pá úye uké ye uuco aseɪ s̄imisi. T̄o ntónéi mmú ipiɛ ise ilese le. ²⁶ N̄on ye n w̄osi, áni kape ye akópe wa. Ani ye nókunéwói kpu ituɛ iké kelenɛ loó. ²⁷ Ani kape ye kuníri ncée he kuké ncaai wa. ²⁸ Uyaa úu kape k̄o nkp̄eni piyaa rikpá. Amá uké rinmóópú uu ye kefa kesɛ ne uanipe pikei pinyine wai uú ne le, lin k̄o úye m p̄arilē, uu fe uu liute léni. ²⁹ Nsímé kópe r̄ika r̄in kape ye nónnénó-i léeme, amá liké mme mee yé usoi ikari rinkpáse ai k̄o pepe kutu nó n c̄ólē lisone wai. ³⁰ Ani kape ye Ulééc̄aa Nfaasone rip̄o caaisɛ. Mme mee Ulééc̄aa nwoi kuu nókenec̄áá n wa keyáa kē kuu n̄oanékópe kémeɛ nó r̄i lesene c̄áká-cáká nnya. ³¹ Ani nsímé pifanaankeɛ ne mesɛwai ne kuwói ne pisenkeene ne pic̄o alē ne mewai kópe nc̄opuri nókenec̄ope lesɛ. ³² Ani n láárúne, n̄on íwe ténaane. Ani n̄omenéc̄opɛc̄ire n s̄arikene yare ke Ulééc̄aa uu nó ne Kirisi kupéneco kémeɛ nó n s̄arei meco.

5

Meté k̄eme isoi nsímé

¹ N̄o siwá sinyine le ke Ulééc̄aa uu r̄i la. Lē nnya, ani umeco n wai. ² Nla nké n̄oinésoi nnéi kémeɛ n we. Ani yē lē ke Kirisi uu ró r̄i la uu unfaa kp̄isi uu t̄o nnya he yare inyónsesese, Ulééc̄aa uu i yósu r̄sone.

³ Lē kái ne n sá re liké Ulééc̄aa sipipi kec̄ope n we ye nní: Méwoo méwoo pin̄osiwélaa ne mékperinkp̄ewai née memá nnáápi nkó r̄ika r̄in kape nkp̄ani nókenec̄ope n we. ⁴ Ai k̄o ne sá re n̄oké asímé kópe née in̄irisimé née akp̄eri kópe m má. Ai nyamí.

Amá Uléécɔa ipakare ηmanε iké n we. ⁵ Ani kō r̄sɔne re méwoo méwoo mewai ute úka ne úkperinkpekɔ́ úka ne memá nnáápí ukó úka úu l̄ε ke Uléécɔa ne Kirisi api piyɔ́pí kέmεε ne pipisoí m m̄́ kέmεε líka yenune. Memá nnáápí p̄́ ne kɔ piléenyóɔnse picɔ le.

⁶ Ani kapε tíye unyine uké r̄woosimé ne nó kíraase. L̄ε nnéí nnya ke Uléécɔa kuw̄ai aku pisoí ppe ápi u m pakarel̄ε kecáá we. ⁷ L̄ε nnya, nó ne p̄́ áni kapε r̄ka kέmεε m p̄́nel̄ε. ⁸ Nɔ ppe mεkeε mesei kuηmaha-i wele. Nɔ nkp̄́ni nó ne Up̄́ima kup̄́necɔ nnya metéí-i wele. L̄ε nnya, ani n s̄́ne liké n nyísel̄ε te nɔ metéí sipipí le. ⁹ Likumún̄é re leleε ye metéí kέmεε n léeme leε nfanare ne nsímései pitiki ne aseí. ¹⁰ L̄ε nnya, ani n wéési n̄kéké leleε ne Up̄́ima n sá n nyu. ¹¹ Nó ne kuηmaha kέmεε mewai áni kapε r̄ka kέmεε m p̄́nel̄ε, amá ani ye me yámne. ¹² Mesei sei l̄ε ke pisoí p̄́ε api meya a n wai pisímé ricuruu ye isei wele. ¹³ Amá pí ye pin pim̄wai m̄ε n yámne, me ye metéí kέmεε léemele amε kúcere wai. ¹⁴ L̄ε nnya kapí maa re:

Pó nkó p̄́ɔ nní r̄ l̄ni, a yisi.

A pikp̄́kp̄́ kέmεε yisi

Kirisi uké ppe metéí p̄́ nyíse.

¹⁵ L̄ε nnya, ani n̄nnés̄ε kecáá musí r̄sɔne. Ani kapε n s̄́ne yare pin̄rí, amá ani n s̄́ne ne mewéesesɔhɔ. ¹⁶ Ani kapε tíye ituηε iké méwoo n t̄́su, li we re siyáa nsí-i kari nní r̄ we ási nyamí. ¹⁷ L̄ε nnya, áni kapε men̄rí n t̄́. Ani riηmóópú ani Up̄́ima m̄ela ceru. ¹⁸ Aani kapε ye p̄́ta m pomaal̄ε. L̄ε ne méwoo méwoo mewai le. Amá ani tíyese Uléécɔa Nfaasɔne nké nó n yipaal̄ε. ¹⁹ Ani ipakare siyome ne akéhe ne siyóme ncɔpuri ke Nfáasɔne nn

nó n he ne nómenécəpəcire n ημόόρπύσενελē. Ani kefa keσε ne ipakare siyome Upíima yó. ²⁰ Ani ye mπά pívei ne mπά yo kémee Sáa Uléécaα pəonese ne Urópiμα Yeesu Kirisi rinyiri.

Pinósi ne pipila mewee

²¹ Kirisi ipakare kani m má nnya, mπά úye uké ucə n waiselē. ²² Nό pinósi, mπά úye uké uula n waiselē yare kuu Upíima n waiselē. ²³ Li we re utisi yee unósi uwéese yare ke Kirisi uu Uléécaα icápine nnéi uwéese mecə. Iyee uipiηe, uyee iriyu. ²⁴ Lē nnya, mπά unósi úye uké uula n waiselē yare ke Kirisi icápine ii Kirisi n waiselē.

²⁵ Nό pinósikó, mπά úye uké uunəsi n la yare ke Kirisi uu Uléécaα icápine ní la uú ha ne unfaa kpísi uu iyē nnya he yare inyóansesee. ²⁶ U lē wale re un míni ne unsímé ne pipáálá pi m masí, piké pee pansé Uléécaα pikó. ²⁷ U lē lalé Uléécaα icápine iké ukeyu-i ríyu píima m má, iké n kpáilē, ncaai nηn kapε ríka i n terjlē née ii kapε ncaai féé ríka m má. ²⁸ Limεcə ke pinósikó póo yé kə pipinəsi n la yare kapi pimεcire ní la. Uye un uunəsi n la, uricuruu kuu lē la. ²⁹ Mesei ye me re úka úu ye píkaí uipiηe cire niηni. Mπά úye yee uipiηe n nyóonsele uu kə ikεcáα m paílē yare ke Kirisi uu Uléécaα icápine n wai mecə. ³⁰ Kari uipiηe ílese nnya kuu lē wa. ³¹ Li wəlaalē te: Lē nnya ke utisi uu usáα ne úni yisine, u ne unósi apí ha péne api pansé ipiηe íse. ³² Nsímé mee kelō nké-i m pékaalē ye mpíima le. Ne maa re Kirisi ne uicápine nkó ye mu. ³³ Amá nό kam kə ne lē tee. Li pise re mπά unósikó úye uké uunəsi n la yare kuu umεcire ní la, unósi póoké kə uula m pakarelē.

6

Siwǎ ne sipite kecáá nsmé

¹ Nǒ siwǎ, ani nǒpinéte m pakarelɛ yare ke Upíima uu ní la. Lelɛɛ ne n sá re nǒké wa ye lɛ. ² A ye upósáa ne upóni ríyu waise. Tinóó foí ye tɛ ke Uléécáa uu n he uu rinóó yekei. ³ Lelɛɛ re li yé ne pǒ sǎnesi aa kǒ ketɛ kecáá nfáa taa-taa yenu. ⁴ Nǒ siwǎ pisaa, áni kape nǒsinéwǎ kényu m páápúse, amá ani si n céési siké kecíre wa yare ke Upíima uu ní la.

Pýɔsaa ne pikeikó kecáá nstmé

⁵ Nǒ pilási, ani ye nǒpinéyɔsaa ketɛ nté kecáá pakare ani aseí ne ríyu pí n waiselɛ yare kani Kirisi m pakarelɛ. ⁶ Ai pin nǒkenékúrí n we pin nǒ n nyáni ŋmane kani yéé lɛ wa yare nǒ lalɛ líké sisoipipi n láárú. Amá ani pí m pakarelɛ te nǒ Kirisi pilasi nnya, aní n wéési re nǒké Uléécáa mela ne kefa kesɛ n wai. ⁷ Ani ne mpóɔnare pí n keisi yare Upíima pilasi. Ai kape n we yare kesoiipipi kani keisi. ⁸ Ani n nyu re mǐpá pǒ úye pǎn ulási néɛ pǎn mepócíre n te, lisǎne lɛ kaa n wa kulaa kaa sǒnti pǒké Upíima kémɛɛ yé. ⁹ Nǒ pýɔsaa, nǒkéké kǒ limɛcǒ nǒpinékeikó n wai. Ani nǒmenécíre tí, áni kape pí n senkeɛ ne rikpákará. Ani n nyu re nǒ ne pɛ usaa ye keyómɛcaa-pǒ wele. Uu ye usoi keyu-i ripaí uú ne n túhaane.

Kirisi ukó itǒpilū

¹⁰ Ntǒrǒɔ ye nkpéni mmú re ani nǒ ne Upíima kupénɛcǒ kémɛɛ unnaŋɛ píima kpísi aní ne m páápú. ¹¹ Ani Uléécáa itǒpilū nnéi kuu nǒ m pa kpísi aní ne kuníri apine kaku nǒ n wai lóó áku yé pɛɛ nǒ feriyɛ. ¹² Ai sisoipipi karí ne tǒpu. Amá lelɛɛ

iyóopi n tú ne lelee n-yóopinaje m má ne lelee ketē nté kunmaha kémee nnañe m má lin pekési karí ne tōpu. Tō kō ne aníri kpákárá nyee keyómecaa-pō n̄ we tōpule. ¹³ Lē nnya, ani nkpéni Uléecaa itōpilū nnéi kuu nó m̄ pa kpísi, aní ne siyáa kópe kémee tápisi, ái yé pee nó feriyē. Nōn n tāpaalē ne kētō-pō, líka ái yé pee fe liké nónépiñe riyōose.

¹⁴ Lē nnya, áni kape nónépiñe riyōose. Ani nsímései pisímé kpísi ani waise kútampalá, ani kehalē-i ku n télē. Ani kō asei pitiki kpísi ani waise kewenitukanka. ¹⁵ Ani Nsímé Kεcire mee ye ne nkíññiñe n̄ ka piyóó n̄ la. Nké nó n we yare anéeri kani tanaalē. ¹⁶ Ani ye mpá yei nōnnéfatenē kpísi yare kuwenikpáncúkú kani yé ne ukpááree Setani ihime melō n̄ kpu. ¹⁷ Nópínyulale piké ritōpikōñ, Uléecaa Nsímé nké ritōpitēhe ke Uléecaa Nfaasōne nn nó m̄ pa. ¹⁸ Ani ye kō lē ke Uléecaa Nfaasōne nn nó n nyíse ritiki áni ne meséere iyáhaa nnéi mpuri n yáasi nōn kō u welu. Ani kape lōpile, ani nómenécire kpísi aní pa, ani meséere ne kefa keese upikó nnéi kecáá n yáasi. ¹⁹ Ani ye kō kenécáá u yáasi re uké tíyese ké ye nen nnó n wúkule, ké ne ikari n céesi pisoí piké lelee Nsímé Kεcire kémee m pékaalē ceri. ²⁰ Mmē ke Uléecaa uú ne né tumme re ké nté ukeikó yee ne urinyiri n tú. Mmē nnya kam akpanii kémee we. Ne lalē ké ye n símisi ne ikari yare kai m pise.

Iyáhaa tōrō

²¹ Unésáne kecire Tisiiki ye Upíima ukeikó le ne asei. U yé hapō uu lelee né n wai nnéi nó kéenkee nōo kō ceru mmē-i kam n̄ we ne lē kam n wai. ²² Lē nnya kam nókenémee u tumme re uké nó símisi mme-i kari n̄ we uké kō ne nōanékíñ niñukuse. ²³ Sáa

Uléca ne Upíima Yeesu Kirisi piké pirómáreca
Yeesu pikó nnéi nkíninje ne ríla ne nfatene he.
²⁴Uléca uké pē nnéi pē Urópíima Yeesu rí la ái ne
kétó ípēléé nyíse.

Nkomine Fal Ritɛlé Sola New Testament

copyright © 2010 UEEB/SIM au Benin

Language: Sola (Miyobe)

Translation by: SIM International

Sola, Nkomine Fal Ritɛlé

This translation, published by the UEEB/SIM au Benin, was published in 2010.

If you are interested in obtaining a printed copy, please contact the SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-02

1bac8ff9-a7c9-52ef-bb5e-7155dd6ba1a1